

# LA PROVVIDENZA DELLA PIOGGIA ed il crepacuore degli usurai

## POESIA IN DIALETTO RIMINESE

Finalment e Signorein  
la fat crepè mi bagarein,  
ma iusurai, a mi tripoun  
chi maseva e formantoun  
a sla speranza chi macach  
da ciapè dies scud e sach.  
I sentiva a mormorè  
che de gren poch i ne ste,  
che la campagna la era brutta  
massacreda dalla sciutta,  
che san pioveva dla polenta  
in ciapeva niench la smenta:  
I s'era fat d'un cor content  
perchè i geva tla su ment;  
se dà can piov prima di vint  
de formanton in ciapa niit  
quii cl' avrà ti magazzein  
i buscarà di gran quattrein:  
donca andamma da sti sgnur  
compramle tutt ca sem sigur,  
da guadagnè; le un interes  
chi ha quattrein da fel ades,  
sarà un azzerd, un zoghè e lot,  
ma st'an le cl'an da fe e capot.  
I geva bein.. ma in s'nera incort  
ch'era mod da fel d' do sort!..  
guadagnand arzent e or  
i se poteva fe d' castor...  
ma mi puritt sei vniva al fregn  
iera bon da feile d' legn.

Ma sta volta la su luna  
la ià port poca fortuna;  
perchè infat ai 13 d Loui  
la matteina clera boui  
an s' vedeva al stel a lus  
tutt e ciel e s'era cius,  
Allora e cor ei chmanzò bat  
ma iusurai come un burat,  
i guardeva ben attent.  
da levent e da ponent  
se e tempaz e feva quel,  
ma quand i vidd e maestrel  
che tneva dur, i fu content  
iarfiadò per un moment;  
ma per poch i fu trenquill:  
dop di mocce in tirò mill.  
Vers al iundg dla matteina  
e fec adesie un acquareina  
fitta fitta radaneda  
come l'olie as l' insaleda:  
la durò sei o set or  
tent chi diss iagricoltor  
la è steda sufficienta  
pi fasul e pla polenta.  
Figurev i bagarein!..  
chieva spes tent i quattrein  
per comprè de formanton  
ei venn la fevra al convulsion!  
iera arrest pù cla speranza  
che mi tisch già la iavenza.



cioè quella (sebben scioca)  
 che la piova la era poca,  
 che se da più can pioveva  
 i su quattrein i ni perdeva.  
 E di dopp per su sventura  
 e fec un enta bagnadura,  
 le ben vera en piovè tent  
 ma per lor fu l'olie sent.  
 E Giovedì dopp mezzanota  
 e temp e torna a dei la bota,  
 allora ei venn e cagarloun  
 e quest e fu la bindizioun  
 d'articola morta a iusurai  
 chi rideva di nost guai!...

---

Do paroli ades mi sgnior  
 ma chel peli da tambur  
 chi da al garnel mi bagarèin  
 chi fa ste senza i contadein.  
 Bsò ca siva proprie tont!...  
 vliv chei sia e tornacont  
 me contadein indebitel?!...  
 quand at l'ultme lai va mel  
 che iusurai ii magna al ios  
 d'chi saral e dan più gros?!..  
 A ni capi che la pusion  
 lan vi frutta più un valon!?

che prima d tutt là da magnè  
 e pu la i debit da paghè!...  
 e che di li bsogna che venga  
 a avri giudizie per na renga!..  
 Av voi dev n'avertiment,  
 sebben che poch le e mi talent  
 eppur av digh e mi parer;  
 sa vli cav frutta e vost poder  
 a post cav pies tent i quattrein  
 trattè mei i contadein!..  
 A la ho ditta scetta e netta  
 a mi ricch ma tutt la setta  
 d'iusurai e di tripoun!  
 e si fussa qualchedoun  
 chim sta se mus per sti lavur  
 a metrò e vel me dvanadur  
 in oguimod si su quattrein  
 an so inches e be un quintein  
 Piutost sa tnè ben in memoria  
 chi è ch' compra la mi storia  
 a vidri cle un operai  
 e me al ringrezie più che mai.

**G. Villa**

